

1

Loma
AROTIEVIK

NUYUCA

**Gracchus Babeuf**
(1760-1797)

Gracchus Babeuf (François Noël Babeuf tis yoltack) tir francaf arto-wasik.

Darkasaberopik bak yugal, gan rietem ke Rousseau zo turestap-ise va eva mu miltuca is tudoara va pilkot voner.

Bak **Francafa Artowara** va jontik teliz icde pilkuca sanegar. Konak-viele zo soper ise zo koflinter ; va *Directoire* vertuma malyopapar. Pakeyes va « *Conjuration des Egaux* » skujera, ba 27/05/1797 di zo bastakar. Inafa rietova, i babeufeva, va doeva is arotieva toriginon abdivolar.



2

Loma
AROTIEVIK

NUYUCA

**Louise Michel**
(1830-1905)

Louise Michel tir naz-beik ke zanisikya ke widalamone.

Lajuvanpir tavesik aze va ayikyevaf rokeem is gaderopafa nuyuca toz sayudar ise suter.

Bak 1870/1871 tir korobapik ke « **Commune de Paris** » arto-warugal. Moi inafa selura, zo soper aze ko xalta ke Nouméa koe Kanaka zo rezgaler lize lewe sandon zavzagir. Va kanakafa araya dulapenyer. Azon kali awalkera bak 1905, va gaderopafa arotieva wan zanudar ise mu dodelikeem dun exaksar. Konakviele zo koflinter.



3

Loma
AROTIEVIK

NUYUCA

**Louis Lingg**
(1864-1887)

Louis Lingg tir germanaf arotievik. Vey wawafa yasa, tir intanyofasik koe vo aze ko Amerika divlamar.

Ba 04/05/1886, bak yastap is exaksara ta kretura va vielcek dem 8 bartiv moe **Haymarket Square** viga koe Chicago, pistolera ke ardial is tilikafa ervolita va stakera is jontik xonukesik nekid. Anjustoy arotievaf exaksasik zo soped aze volmitekon zo malyed. Gu xonuka di zo lanzad. Louis Lingg koe flint di kser.



4

Loma
AROTIEVIK

NUYUCA

**Nestor Maxno**
(1889-1934)

Nestor Maxno tir ukrainaf arotievaf okilik.

Koflintayan gan rossiafa Tsar vertuma bak 1910, ba Taneafa Rossiafa Artowara ke 1917 zo tunuyar.

Va koplekura va **nuyaf "soviet"** tawadayikaf is dodelikaf **pirdot** koe geefa Ukraina paker. Bak 1918 va acagisa ervolia (Maxnovtchina) kev Germana is Batakafa Ervolia ke Denikin koe Ukraina grustar. Voxe bak 1921 gan sovietafi roti zo relmer ise zo cener. Ko Franca di otcer. Koe Paris wetce divblisik bak 1934 awalker.



5

Loma
AROTIEVIK

NUYUCA

**Sacco is Vanzetti**
(1891-1927 / 1888-1927)

Nicola Sacco is Bartolomeo Vanzetti tid amerikaf dodelik ke italiafa xanta.

Bak 1920 toloya feksa dodubiera koe gola ke Boston zo skud. Ardial va arotievafa anameda vere buntur. Sacco is Vanzetti zo soped aze zo malyed aze nekev gracasa vrinaracka gu xonuka zo lanzad.

Nekev textandon noafa walvedeyafa tawukara ta sinafa tunuyara, ba 22/08/1927 kan tralrova di zo klibud. Oxam bak 1977, arti alubsanda, winugon zo dimrokad.



6

Loma
AROTIEVIK

NUYUCA

**Buenaventura Durruti**
(1896-1936)

Buenaventura Durruti Dumange tir tan dalaf arotievik ke Espana.

Jotaf dodelik, va ervolia emdur aze div vo va int gelber lize va arotieva wan sayudar.

Bak 1930 sanda ko Espana dimlapir. Aze jontikviele zo koflinter. Bak **Wideytafa Geja ke Espana**, va cenesa acagira ke Barcelona kev cosevafa ervolia ke Franco bak 07/1936 grustar. Ba 19/11/1936 nope meyoftayen vilt xonuker, rojuson Madrid do intafa arotievafa lospa.



1

Loma
AWALKEXIK

NUYUCA

**Vasil Makux**
(1927-1968)

Vasil Makux tir ukrainik va int teyvikeayas kevotceteson va kere-lera va Ukraina gan Sovietafa Tanara is va rossiafa tolgenira va Ceskoslovenska.

Tici Toleafa Tamavageja, gan sovietafa rictaga zo koflinter aze sandon zo kopemaxoar. Ba 05/11/1968, mal Krectatik vavilapa ke Kiiv, van Meruptesuca Viga iegason : « Va doevaf tuboniasikeem lubesit !! Va nuyafa Ukraina blit !! Va Ukraina blit !! » aze va int vikear.



2

Loma
AWALKEXIK

NUYUCA

**Nhật Chi Mai**
(1934-1967)

Nhật Chi Mai (Phan Thị Mai tis inaf yoltack) tir vietnamafa tavesikya, ke buddevafa alka.

Tsunesa va **Vietnama Geja** is oson djumexaksasa isu kevotcetesa, ba 16/05/1967 lent borca ke Saigon lanir aze va int teyvikear, rozason va tena ke geja is dili.

Gracchus Babeuf - Louise Michel - Louis Lingg - Nestor Maxno - **Sacco is Vanzetti** - Buenaventura DurrutiGracchus Babeuf - Louise Michel - Louis Lingg - Nestor Maxno - Sacco is Vanzetti - **Buenaventura Durruti****Vasil Makux** - Nhật Chi Mai - Homa Darabi - Jan Palach - Bobby Sands - Mohamed BouaziziVasil Makux - **Nhật Chi Mai** - Homa Darabi - Jan Palach - Bobby Sands - Mohamed Bouazizi